



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. De Malificio.

urn:nbn:de:hbz:466:1-40673

Noctores esse naturalem: quia aliquando ex vehementi cogitatione alicujus objecti immutantur spiritus, præsentim subtiliores, qui ad oculos permeant, & aerem ad certam distantiam corrumpunt; Unde inficiuntur corpora mollia puerorum, pullorum, arbustorum, &c.; sicut foemina post menstruum inficit vicinum aereum, & labet in speculum causat. Verum Azor., & Trull. cum multis Medicis docent, non esse naturalem vim fascinandi, seu nocendi hominibus, vel belluis ex solo aspectu, aut commendatione apud alios, sed dæmonis malignitate aereum infici, & hominis, aut belluæ corpus laedi.

ARTICULUS V..

De Maleficio.

- I. *Maleficium est ars nocendi aliis ope dæmonis. Dividitur in Amatorium, & Veneficum; quod appellatur Veneficum.*
- II. *Remedia adversus maleficium alia sunt naturalia, alia Supernaturalia, alia Moralia.*
- III. *Num liceat a Malefico petere, ut Maleficium dissolvat, si non constet, quod sine novo Maleficio possit illud dissolvere?*
- IV. *Quid si constet posse illum quidem sine novo Maleficio maleficium dissolvere, sed non esse illud dissolutorum sine novo maleficio?*
- V. *Licatum est dissolvere maleficium ponendo signa contraria, quibus positis expireret pactum cum dænone.*
- VI. *Idque verum est, etiamsi per accidentem inde sequatur alteri damnum; dummodo illud non sequatur ex actione dæmonis positiva. Sed quid si de hoc dubiteretur?*
- VII. *Quomodo gerere se debeat Confessarius cum Maleficiis, Magis, & Incantatoribus?*

I. **M**Aleficium, ut diximus, est Ars nocendi aliis ope dæmonis; & ideo pars est Magia; Unde quando ligaturis, nodis capillorum, &c. aliquod malum aliis præstandum ope dæmonis intentatur, tale maleficium vulgo dicitur *Fattura*; Porro Maleficium si ordinetur ad carnalem amorem, vel odium excitandum, dicitur *Amatorium*; si vero ad inferendum damnum five personæ, five ejus bonis, dicitur *Veneficum*; unde hujusmodi Maleficium appellatur *Veneficum*.

II. Quæritur nunc primo; Quænam remedia adhiberi possint adversus effectus maleficii?

Respondeo ea esse triplicis generis, Naturalia, Supernaturalia, & Moralia: Dicuntur remedia moralia, quæ fiunt removendo magica signa, ad quorum præsentiam dæmon damnum infert, quod quomodo fieri possit, examinabimus quæsto 3.

Naturalia sunt, quæ sunt apta naturaliter ad curandos morbos causatos a maleficis, quamvis parum ista profint, quando morbi causantur arte Sagorum, quia possunt facile dæmonis ope vim medicamentorum impedire. Demum Supernaturalia, seu Ecclesiastica sunt, Primo, Exorcismi; etenim a Christo Domino tradita est Exorcistis potestas expellendi dæmones, quamvis ea non sit infallibilis, seu non semper cum effectu conjungatur, nisi adsint conditions a Christo requisitæ: Sicut de fide etiam est, habere Pontificem potestatem applicandi indulgentias pro defunctis, sed ut illis profint, requiruntur circumstantiae debitæ; Et de fide est, quod quicquid orantes petimus, obtinemus; si tamen cum debitis requisitis oramus. Secundo, magna fides in protectione divina; quod colligitur ex illo Psalmo, *Qui habitat in adjutorio Altissimi. Tertio, iterata suscepitio Sacramentorum Pœnitentia, & Eucharistia;* Sicut etiam Sacramen-

ta-

talium, necnon usus Agnorum Dei, signum Crucis, invocatio Christi Domini, & Beatissimae Virginis, Angeli Custodis, Reliquiae Sanctorum, & inter cetera Sacrificium missæ. Sicut autem remedia naturalia non statim curant morbos, sed frequentari debent, ut perfecte current, ita remedia hæc supernaturalia; cum Deus dederit illis vim per modum causa naturalis; Sicut etiam eodem modo causant gratiam ipsa Sacra menta, ita scilicet ut in subiecto magis disposito majorem gratiam cauient, ut ignis, verbi gratia, in subiecto magis disposito majorem calorem.

III. Quæritur secundo; Utrum liceat petere a malefico, ut maleficium dissolvat?

Respondeo, & dico primo, a malefico quantumvis parato non potest peti, ut maleficium alio maleficio dissolvat; quia nunquam peti potest directe, quod est intrinsece malum: Unde infert Sanch. lib. 2. Moral. cap. 41., nec licere petere a Malefico dissolutionem maleficii, quod potest modo licito dissolvi, quando talis modus a malefico ignoratur; quia in tali casu perinde est, ac petere, ut alio maleficio dissolvat. Quod si dubitetur, an Maleficus sciat modum licitum dissolvendi maleficium, communiter Doctores cum Suar., Sanch., Less. apud Trull. docent nec licere petere dissolutionem; tum quia præsumi debet, ut docet Sanch., quod Maleficus sciat dumtaxat modum dissolvendi superstitionis; tum etiam quia petens in tali casu exponeret se periculo petendi rem illicitam; non est autem licitum operari cum dubio rei illicitæ, ut communiter Doctores. Verum Tambur. hic docet aliquando licere cum dubio hoc negativo petere dissolutionem maleficii; quia præsumi potest ex communiter contingentibus non ignorari a Malefico modum dissolvendi licitum;

nam, ut dicemus quæsto sequenti; communis modus dissolvendi licite maleficium est tollere signum dæmonis, ad cuius præsentiam dæmon ex pacto operatur. Addit Tambur. sententiam hanc non adversari opinioni communis; tum quia in tali casu dubium vincleretur a præsumptione orta ex communiter contingentibus; tum etiam quia communis tententia procedit, quando peteretur dissolutio maleficii ab alio Mago, qui cum non fuerit auctor huius maleficii, non facile poterit, nisi novo maleficio illud dissolvere.

IV. Dico secundo; Licitum est petere a Malefico, ut dissolvat maleficium, non solum si certo constet, sed etiam si probabile sit ipsum scire illud dissolvere modo licito; idque verum est, etiamsi certo cognoscam Maleficum novo maleficio esse dissoluturum maleficium prius. Ita Sanch., Filliac., Trull. contra nonnullos. Ratio est, quia sicut habens necessitatem potest petere mutuum ab eo, quem certo scit usuras exacturum; & petere juramentum ab illo, quem noscit juraturum per falsos Deos; quia petitur res in differens, seu id, quod licite ab alio præstari potest; ita pariter in casu nostro. Dixi, etiamsi tantum probabile sit maleficum scire modum dissolvendi licitum, quia universim, ut notat hic Tambur., operari cum probabilitate est operari cum prudentia, atque adeo sine culpa. Cavendum tamen est ex Sanch., ne petens cooperetur cum malefico in novo maleficio, verbi gratia, recipiendo medicinam &c.

Notandum etiam, quod si spes sit, ut petitio remedio licito, Maleficus hoc adhibeat, & non superstitionis, tenemur ex charitate illud petere. Demum nullatenus licet petere a dæmons, ut cestet vexare; quia talis petitio involvit societatem cum dæmonie; Solum licitum est per imperium, & objurationem dicere, verbi gratia, Celsa

sa mala bestia abhinc malefacere.

V. Quæritur tertio; Utrum licet dis-
solvere maleficium destruendo signa,
quibus illud est annexum; aut ponen-
do signa contraria, honesta tamen,
& indifferentia, quibus positis expirat
pactum dæmonis?

Respondeo affirmative cum Less.,
Suar., Sanch. apud Trull. Ratio est,
quia sic nec pactum cum dæmonie,
nec amicitia captatur, sed solum ever-
tuntur signa illa, quæ erant occasio
mali. Quare si dæmon cum Malefico
fecit pactum nocendi Maleficiati, ni-
si signet se signo Crucis, vel nisi lavet
frontem, potest ille licite munire se
Cruce, aut frontem lavare, ne lèda-
tur a dæmonie, animo tollendi signum
illud, non vero animo sanandi medio
invento a dæmonie: Similiter si verum
est, quod quando Venefica te tangit,
te inficiat, sed desinat inticere, si il-
lam repercutias, poteris illam reper-
cutere. Propter eandem rationem lici-
te Judices lavant maleficos torquendos,
& pilos illis radunt, ne arte dæmonis
insensibiles fiant ad tormenta; sic e-
nim dumtaxat tollunt signum dæmo-
nis latens sub pilis; vel quia pactum
fuit cum dæmonie, quod ad tonsionem
pilorum cessaret conventio. Pariformiter
qui audiit a Mago se convenisse
cum dæmonie, quod quidam thesaurus
custodiretur, & nemini permitteretur,
nisi illi, qui in tali loco bene potaret,
poterit bene potare in eo loco, &
deinde sibi thesaurum arripere.

VI. Ex quibus infect Filliuc., posse
signa magica destrui, etiam si redundar-
ret damnum in maleficum, quia quilibet
habet jus sibi consulendi, etiam si
per accidens sequatur alteri damnum.
Notat pariter Trull., quod infectus a
Saga, verbi gratia, sciens nocumentum
delitum, si porrigit illi panem, (for-

te propter Eucharistie Sacramentum)
possit quidem panem porrigeret, dum-
modo porrigendo panem dæmon de-
sinat tantum nocere. Quod si porre-
gio panis sit novum signum, quo
posito dæmon per actionem novam
positivam, & per favorem succurrat,
procul dubio non licet panem porri-
gere. Si tamen de hoc dubitetur, nec
licet, ut communius docent, aut ad
summum in casu necessitatis licet cum
expressa protestatione, quod nolis ef-
fectum positivum a dæmonie: Less. e-
nī lib. 2. cap. 44. num. 46. hæc ha-
bet: *Non est licitum uti remedio, de
quo dubium est, an contineat tacitam
dæmonis invocationem;* hoc enim est se-
exponere manifesto periculo superstitionis;
nisi forte id fiat cum expressa volunta-
tis contrarie protestatione.

VII. Quæritur ultimo; Quid faciat
Confessarius cum Maleficiis, Magis, &
Incantatoribus?

Respondeo, debere examinare illos
de genere superstitionis, an scilicet fue-
rit cum expressa, vel tacita dæmonis
invocatione, & de aliis peccatis ad-
mixtis, puta hæresis, idolatriæ, lu-
xuriæ, injustitiae, &c. Si deinde male-
ficus pactum iniit cum dæmonie, de-
bet illud dissolvere; non est tamen ne-
cessere, ut chirographum malefico resti-
tuatur a dæmonie; quia per pœnitenti-
am sufficenter recedit a pacto: Si
injustitia præcessit, imponi debet resti-
tutio; si hæresis formalis, & externa
sit tali peccato conjuncta, nonniſi a
Pontifice absolvit poterit. Si vero ad-
oratio dæmonis non stet cum hæresi,
seu cum hoc, quod dæmon existimet
dignus adoratione, talis supersti-
tio poterit a quolibet Confessario ab-
solvi, nisi in aliqua Diœcesi sit ab Epi-
scopo sibi reservata.